



Broj: 10-23-128-99/20
Zenica; 14.05.2020. godine

- **ISPITNIM KOMISIJAMA ZA VOZAČE MOTORNIH VOZILA
U ZENIČKO-DOBOJSKOM KANTONU**
- **KOMISIJA ZA KONTROLU ISPITA**
- **AUTOŠKOLAMA ZENIČKO – DOBOJSKOG KANTONA**

PREDMET: Instrukcije za provođenje ispita za vozače motornih vozila u situaciji proglašenja stanja nesreće na teritoriji Federacije BiH uzrokovane koronavirusom COVID – 19, dostavlja se

U cilju stvaranja uslova za održavanje ispita za vozače motornih vozila u situaciji proglašenja stanja nesreće na teritoriji Federacije BiH uzrokovane koronavirusom COVID – 19, a kako bi spriječili nastupanje štetnih posljedica po zdravlje svih sudionika ispita za vozače motornih vozila, odnosno spriječili dalje širenje istog, svi sudionici ispita za vozače motornih vozila (predsjednici komisija, ispitivači, sekretari, instruktori vožnje, kandidati i kontrolori) obavezni su izvršavati svoje dužnosti u pripremi i provođenju ispita za vozače motornih vozila u skladu sa preporukama za sprečavanje infekcija i higijensko – epidemiološkim mjerama utvrđenim od strane Federalnog ministarstva zdravstva i Zavoda za javno zdravstvo FBiH, te u skladu sa ovom Instrukcijom, i to:

- Svi sudionici ispita za vozače motornih vozila (predsjednici komisija, zamjenici predsjednika, ispitivači, sekretari, instruktori vožnje, kandidati i kontrolori) obavezni su nabaviti i koristiti ličnu zaštitnu opremu (maske i rukavice) cijelo vrijeme boravka na ispitnom (polaznom) mjestu.
- Nije dozvoljeno zadržavanje na ispitnom (polaznom) mjestu lica koja nisu sudionici ispita za vozače motornih vozila, odnosno lica koja su završili sa svojim obavezama na ispitnom (polaznom) mjestu.

ZA TEORETSKI DIO ISPITA:

- Sekretari komisije su dužni organizovati da škole u kojima se obavlja teoretski dio ispita za vozače motornih vozila, provedu propisane higijenske mjere u prostorijama u kojima će boraviti kandidati (prije i tokom teoretskog dijela ispita za vozače motornih vozila), a koje između ostalog podrazumijevaju provjetravanje, čišćenje i dezinfekciju prostorija



- (hodnika i učionica). Ukoliko u toku dana ispit bude organizovan u više grupa, sekretari su obavezni izvršiti provjetravanje i dezinfekciju prostorija prije ulaska nove grupe u iste.
- Svi sudionici teoretskog dijela ispita obavezni su održavati socijalnu distancu od najmanje dva metra između istih. Ova distanca može biti manja samo prilikom primopredaje lične karte radi utvrđivanja identiteta kandidata i primopredaje testova i testovnih listova!
 - Sekretari komisije su dužni organizovati da svi sudionici teoretskog dijela ispita, prije ulaska u prostorije škole, obavezno izvrše dezinfekciju ruku sa ponuđenim antiseptikom/dezinficijensom, te da nakon toga na suhe ruke navuku rukavice. Svi sudionici teoretskog dijela ispita obavezni su nositi rukavice na rukama cijelo vrijeme boravka na ispitnom (polaznom) mjestu.
 - Kandidati su obavezni skinuti maske sa lica samo kako bi omogućili ispitivačima da utvrde identitet istih, uz obavezno održavanje socijalne distance od najmanje dva metra.
 - Licima koja ne budu posjedovala i pravilno koristila ličnu zaštitnu opremu (maske i rukavice) neće se dozvoliti ulazak u prostorije škole, odnosno kandidatu se neće dozvoliti da pristupi polaganju ispita.
 - Obaveza je ispitivača da prije početka ispita rasporedi svakog kandidata u jednu klupu.
 - Ispitivači su obavezni voditi računa o ispunjenosti uslova iz ove Instrukcije za održavanje teoretskog dijela ispita za vozače motornih vozila.

ZA ISPIT IZ UPRAVLJANJA MOTORNIM VOZILOM:

- Autoškole su obavezne da prije svake ispitne vožnje izvrše čišćenje i dezinfekciju vozila (brava, rukohvata, volana, ručice mjenjača, kontrolne ploče i svih prekidača, unutrašnjih ogledala i vjetrobranskog stakla), kao i provjetravanje istih.
- Licima koja ne budu posjedovala i pravilno koristila ličnu zaštitnu opremu (maske i rukavice) neće se dozvoliti ulazak u vozila autoškole, odnosno kandidatu se neće dozvoliti da pristupi polaganju ispita, a neće se dozvoliti korištenje vozila na ispitnom mjestu koja nisu prije samog ispita očišćena, dezinfikovana i provjetrena.
- Kandidati su obavezni skinuti maske sa lica samo kako bi omogućili ispitivačima da utvrde identitet istih, uz obavezno održavanje socijalne distance od najmanje dva metra.
- Svi sudionici ispita iz upravljanja motornim vozilom obavezni su, za vrijeme dok čekaju početak ispita, održavati socijalnu distancu od najmanje dva metra između istih. Ova distanca može biti manja samo prilikom primopredaje lične karte radi utvrđivanja identiteta kandidata, te za vrijeme ispitne vožnje u vozilu!
- Ispitivači su obavezni voditi računa o ispunjenosti uslova iz ove Instrukcije za održavanje ispita iz upravljanja motornim vozilom.

Dostavljeno:

1x Naslov

2x a/a 01/06-07



MINISTAR

Prof. dr. Spanija Kozlić



Bosna i Hercegovina, 72000 Zenica, Kućukovići br. 2

Tel: 032/460-840; 460-841; fax: 460-842

e-mail min.obrazovanje@zdk.ba